

人
集
道
化
觀

● 演講專集：

試驗論理學

杜威演講 定價三角

教育哲學

杜威演講 定價五角

哲學史

杜威演講 定價三角

杜威演講錄合刊

張靜廬編 定價三角

地球與其生物之進化

葛拉普演講 定價四角

中華民國十年九月十月初版
中華民國十一年五月一日再版

人類進化觀 ● 定價三角

著作者 陳安仁

發行者 趙南公

印刷者 泰東圖書局

發行者 泰東圖書局
上海四馬路

特約經售處 重慶唯一書局

◎此書有著作權不許翻印◎

序言

進化學居於哲學界中高深之領域。吾人欲探究宇宙萬有之現象形態動作變化無不於進化學求之。雖然。世界之歲月無窮。由此進化之公例。演成進化之異觀者亦無窮。則進化學者。無窮之學也。無窮之學。則不能爲一時代之所拘限。又不能爲一人之學說理論所可拘限。易詞言之。則進化學者。又無不隨世界萬有之進化而進步也。人類進化之理。經達爾文（Darwin）賴德赫克爾（Ridd Ernst Haeckel）等之發揮。而於以光大。諸子之研究。多就人類有機體之自身。而討論其進化之次第。是故有機體元始史。種族醇化史。生物學。化學。比較解剖學。形態學。生理學。皆爲其攷究之資料也。不佞人類進化觀之說。於機體進化。未有所論列。祇就人類自有歷史以來羣治發生以後之一時期中。而略據其政治。法律。道德。教育。學術。社會。國家。及人類生命或進或退之境。而證諸往。推諸來。列其適於進化公例者。興衰得失之由。發揮一二。望一漏萬之誚。知所難免。況人類歷史進化程序中。多有遺亡不可考。

處而羣治進化遞嬗之迹。復迂折繁雜。難以釋解。一得之愚。將等覆瓿。世有哲人。糾之匡之。盼
禱奚如。時民國七年九月一日陳安仁序於星洲養正學校

人類進化觀目次

序言

緒論

第一章 統義

第一節 本能

第二節 執着

第三節 沿誤

第四節 樂生

第五節 本質

第六節 篤舊

第二章 分論

第一節 人類進化與政治之關係

第二節 人類進化與法律之關係

第三節 人類進化與道德之關係

第四節 人類進化與教育之關係

第五節 人類進化與學術之關係

第六節 人類進化與社會之關係

第七節 人類進化與國家之關係

第八節 人類進化與生命之關係

結論

人類進化觀

緒論

有世界之進化。有國家之進化。有物質之進化。有物類之進化。有人類之進化。宇宙不論幾京垓億兆年。而進化之現象日益演。進化之動機無時息。進化之勢力挾排山倒海之巨觀。以奔赴。堂哉皇哉。誠浩浩蕩蕩。民無能決其究矣。

自十八世紀下葉。法國生物學家布豐氏之說風行於世。言種類變遷之理。德國詩人頤德論植物變化之義。法國拉馬奇氏論生物進化之說以來。進化論始炯照於世。一千八百五十八年近世生物進化論之大紀元也。英國華賴斯氏論物類變遷。有離原形之趨勢。與達爾文物種元始相與印證。而英之赫需黎。田大里。雷哀爾。斯賓塞。德之黑智尼。美之格雷腓斯克。相與推擴之。其他麥可施。據進化原理。明天然物之嬗變。羅曼士據心才發育。明智力之進化。開據人類信仰。明宗教之蛻嬗。是故進化之說。不祇爲科學界一種之思想。而其範圍則能周括宇宙萬種之事理。以云虛構。誕已。

雖然人類爲宇宙高等靈智之動物也。其進化在於形骸者尠。而在於智識者甚夥。此非可以一事一理盡舉其形態與內包必也。舉自有人類歷史以來。各邦國各社會所經歷之陳迹。以驗諸來。以示諸後。而後可以一隅三反也。否則理趨一偏。學窺一豹。其又安能覺察其精微之處乎。

問人類曷爲至今存於大地耶。問人類中之某種曷爲至今僅保其殘喘。而幾不能以繼往開來耶。問人類至今以往。其以何道保其優長之點於天演界。去其劣弱之特徵以發揚光大耶。此等題義。固非可以一朝解答。而當平心靜思。據人類萬般之現像。依通變之例。而一一發表之。方不至謂爲皮相。譏爲蠡測。

以一己之心識。超乎己身之外。入乎己身之中。一面以心爲能研究之主觀。一面以心爲所研究之客觀。其立論之難。可以知已。然欲於科學界樹其壁壘一新之說。不特當發見形下之理。尤當發揮其形上之義。不佞人類進化觀之說。不注於形體。而歸於心能。不偏於種界。而重夫羣誼。說雖膚淺。亦足以資進化學說之佐證也。

第一章 統義

第一節 本能

按本能即包括人類本體之能力才力而言非指心理學上人類中不思而行之動作之謂

人類有其本能。爲萬物所不可及。飛不如禽。走不如獸。暴力不如獅虎。然人類能於天演界中保其生存。不爲物類所制搏。皆恃有本能故。使其本能而劣敗焉。就日消滅可也。使其本能而優勝焉。就日演進可也。本能者何耶。如鳥之有翼。如獸之有足。如獅虎之有爪牙。得之則生。不得則死之具也。我民族立足亞東。稽諸史乘。犬戎山戎。白狄赤狄。蹂躪乎中原。匈奴氏羌。鮮卑柔然。突厥吐蕃。回紇沙陀。契丹女真。蒙古韃靼。滿洲。侵擾乎禹域。數千年與外族關係。不可謂不繁。數千年受外族憑凌。不可謂不急。降至今日。而民種不至芟盡消殄。而能與其他種民比權量力。繼絕興滅者。本能爲之也。埃及人嘗建大國。有聲於歷史上矣。巴比崙人波斯人。嘗建大國。流傳紀載矣。希臘人嘗建大國。爲世界最有名之文明古國矣。羅馬人嘗建大國。勢力橫絕大地矣。蒙古人嘗建大國。武力震懾歐亞矣。土耳其人嘗建大國。鐵蹄所至。城邑爲墟。

矣。葡萄牙人嘗建大國。舟楫所至。淪爲藩屬矣。曾幾何時。非四分五裂。則華離破碎。非蕩析離居。則夷爲臣虜。非國勢凌弱。則暫延殘喘。若是者何耶。其國人本能之強弱。興衰爲之也。一甲一本能與身體之相關。西哲曰強壯之精神。寓於強壯之體魄。是故體魄強偉者。其本能必充足。體魄衰懦者。其本能必潛消。此定例也。北亞美利加之智魯人及其隣近諸民族。其軀多短小而懦。南亞美利加之渣拿人。亞拉窪人。棲於亞細亞北部之野蠻人種亦然。其他加路幾人。夫士楂人。夫威高人。安打孟島土蠻之男子。印度之依他人。亞非利加之亞加民種。以上因身體短小之故。而本能因之而不能充實也。與地誌略曰。亞非利加之蝦顛頓人。手足弱且小。婆加拉窪之土人。體甚衰弱。加拉里人之四肢短而不良。巴他高利人。筋骨柔弱。以上因身體懦弱之故。而本能因之損失也。他如他士瑪利人（今已滅亡）巴波嬰人。陀瑪拉人。雖形貌稍悍。而艱忍力薄弱。本能亦不發達也。或曰劣等人種所處之境遇。非文明人所能堪。粗食陋屋。衣服惡劣。暴風驟雨。相與逼處。而無生命之危。印度之初瑪路人。呼惡氣而不病。澳大利亞之劣等人種。被重傷而速痊。其本能何不依之以堅強爲之解。曰環境惡劣。盡全力以爲之抵抗。

其他部之人力。遂與之相消。因感觸之苦。或魯鈍其神經。或消失其活力。而精神上之本能。因之失矣。(乙)本能與智力之相關。拉丁條頓士拉夫人種。智識發達非常。而本能爲之充實。盡人而知。不待引喻矣。然亞非利加之夫施孟人。眼銳如望遠鏡。亞細亞中之加冷人及西伯利亞平原之野番。能察遠方之物。亞美利加夫拉治之土番及焦卑人。能聽微細之音。印度之依他人。能聽蜜蜂聲息。卑因人能觀察人畜之潛踪。阿拉瑪人。目光銳利。北亞美利加之智壁窪人。陀高他人。能識叢林之位置。知亞拉人。亞拉窪人。見足跡而知人數。若是者以一體官之優長。而心理上智識之部分。不能與文明人較。本能亦難發達。故智力必充足強裕。而後本能乃可光大久遠。嗚呼。爭生存於大地。智力之求進。其可忽乎哉。(丙)本能與精神上之部分。人類有良知焉。有良能焉。擴充其良知。則可以知宇宙無限之事理。擴充其良能。可以應用兩間無限之物質。於是在精神上之部分。由是而自發之。遂能爲有限之有能。爲有限之非我。且能爲宇宙原形內之非我。(上句根哲學家謝靈克之說)由是發揮其本能。則有橫絕兩間。繼往開來之勢力。(一)排除力。人類能抵抗世界一切不良之環境而掃除之。使不致爲人

類進化之障礙也。(二)包容力。人類能保持有益於人類之事功。並能擴充其範圍。而預蓄潛勢也。(三)理解力。人類能對宇宙絕對的之奧義。而一一理解之。對於世界相對的之事。而一一發明之。故能保世而滋大也。(四)達觀力。脫物質界之現象。由心之活動。舉繁難理點。而一一調和之。而收納之。是四力者。即人類本能於精神上部分所發現者也。

第二節

凡其種民其執着之性堅強者。其進化遲。其執着之性薄弱者。其進化速。歐洲種民於今號稱極盛者。其趾封建略。當我國唐宋間。及其易轍并馳。僅一二百年而已。斯何故哉。則亦執着性之不堅深而牢固耳。天下之族民衆矣。夷考其進化之軌。蓬蓬勃勃。若新發之象者。其道有他哉。亦不外其種民能體合于天演。爲適應於時勢之推遷也。希臘遷居於外之民不一族。其中最有名之族二。一曰情喇阿族。一曰哀炯捏族。情喇阿族武健古樸。不悅征商遠行諸事。其執着性強。哀炯捏族精於美術。勇於進取。其執着性弱。二族之優劣於以判焉。二十世紀之舞台。已經開幕。注意人類歷史。而卜其生存競爭。將來勢力之消長。無不以其種民之能適於

進化之方術與否以爲衡。而欲測其種民之能適於進化之方術與否。無不以其種民執着性之強弱以爲斷。孟加拉之安丹曼尼。摩客拉之山族。鄂里沙之朱俺。錫蘭之武葉陀。非洲之木客。阿夏。北美之可羅拉都紅人。中美之葛烈。南美之巴芝。澳洲之獐狎。北極之額思氣摩。其在今日固純然太古之遺風。與進化之種民較。不可以道里計。此皆習性執着。固難以教育之功陶鑄之。澳洲之土人。無牧畜事藝。木處巢穴。土處穴居。求食則伏叢莽深菁之中。以伺鷃鷃。無陶瓦金鐵。無書契文字。器用寡少。口傳是憑。數千年來於茲矣。至今不改其恒態。執着之性爲之也。夫惟執着故。拘於一定之式例而不自知。限於一定之方域而不能自越。醉生夢死。懵懵憧憧。煩燒喧呶。不可以理喻。卽稍開化之種民。皆由是而莫變。若政治。若法律。若典章制度。當其由甲以轉乙。不知經幾許艱難而後撼動之。由此境以移他境。又不知費幾許之籌畫經營而後變遷之。凡此皆執着之性爲之也。(甲)執着性強者。心慮必簡。思力愈閼者。而後營蕃變而能循其朕。心慮簡者。終身由之而不自知。己無由知。將以一己爲最勝。而終身行之。而不明蔽之率至也。事理之至於吾前也。端倪多。其交會衆。其對待相及之情紛如也。以繁蹟錯

綜之異觀。而納諸淺渾沌之心。如之何其能應機而蕃變也。(乙)執着性強者。機能難以感發。人之生也。立圓興。爲萬物所圍繞。或目見采色。或耳聞聲音。或受外鑠。而喜怒哀樂以動其性。或比較。或記憶。或想像。或辨別。或思想。或判斷。皆由感智斷三機能所發動。然執着性強者。其機能感發也遲而鈍。人類機能之感發遲鈍者。其心之進化難。善夫斯賓塞氏之言曰。一事之來。一意之立。己之所左右。皆倚其所先感於心者以爲程。先成非他。向之所蓄積所漸磨者是洵哉。

第三節 沿誤

人類智識未開。沿誤之心象以生。沿誤之心象以生。而百事理之混淆以起。夫事理混淆矣。斯是非不辨。其所是也非真。其所非也非真。非真是真。非未別。而似是似非。竟演人我無對相。彼此無標準。上下無折衷。而人類乃愈趨而愈昏。亞美利加亞非利加及東洋諸島中。今日仍有食敵人及同部落之人種。澳大利亞亞非利加中有土人。因未知善惡是非。邪正爲何物。以殺戮盜奪等事爲榮譽。亞美利加之土人以身體羸弱不堪任事者。棄諸曠野而使之

餓死。父母老病不能作業者。埋諸曠野而視若等閒。波拉沙之黑人有言。我父所爲如斯。則我終身當如斯。阿亞人之禁令有曰。凡擬外人之風俗形式者。當科以罰金。其他加抹沙斯亞人。安他孟人。他士瑪人。大施孟人。沿打人。參他人。凡習守一制一事。雖差誤極點。終身由之而不改其常。沿誤如此。欲期其種民之進化難矣。此不特未化之民如是也。其開化若希臘人。其文學藝術當時固冠大地矣。又非全脫離沿誤之習。希人作事必以夢與預兆識言爲憑。吉則趨而爲之。凶則寧避不爲。又察鳥之飛鳴以卜其兆。聽鳥之鳴聲。視鳥之飛翔。觀鳥之行動。以占吉凶。獻祭時其兆更要。壇上之火若何。殺牲之肝若何。燔祭之灰若何。皆可占卜。甚之如珀拉替阿之戰也。緣無吉兆。大陰之兵甯束手以待敵人之交攻。希臘人雖爲天下文化之模範。而數紀以後。轉不能繼續以發揚者。豈無故哉。不甯惟是。非支鳥蠻。親年及格。則相與昇置郊野而生瘞之。受者含笑入地。謂爲幸福。凡此以沿誤之故。而不知是非善惡者也。(甲)沿誤與認識的心理。認識可以統攝形而上的事理也。認識者。能精明辨實在物體。吾人之表象。可以完全顯示客觀事物之真相也。彼沿誤者。認識祇關於事物之表相。而形而上者。不能深究。

矣。祇關於簡事之片面而全體之法則。則不能周遍。故沿於迹象。而不及於內籀。拘於外觀。而不能探其本體。其心理之粗淺。固不能進於深邃者也。(乙)沿誤與觀念的謬誤。夫觀念的謬誤。無論於政治制度。文物社會風俗。皆不能得知客觀事物之真相也。且難以人類之理性。而了解人生之問題也。彼未開化之人。無論一舉一動一思一想。在在皆隨謬誤之迹象以敷衍。見奇異也。則駭怪之。聞真理也。則誚讓之。聞改制也。則斥尋之。聞荒唐也。則深信之。利茅人相傳始遷祖初造小舟之時。有一人伐大樹以爲船身。至次日過其地而視之。見所倒之樹已於夜間復活。矗立於海岸矣。迨船造成。下水放洋。船中人見有術士尾後。及抵紐齊蘭時。則其人已先到岸。蓋乘海猪渡洋矣。凡此等說。深信不疑。而觀念之謬誤。遂相積而習非成是矣。(丙)沿誤與推理的謬誤。事理推演而得之結果。能自明其爲真。譬畫直線及一命題。須得科學定理之助。乃能證明其推演之真確。於是有定說。爲證明之定理。有系說。爲由定說而歸結之定理。乃淺演之民。其對於事理也。譬如畫一直線。彼即確定曰直線。並不證明其推演之如何。又不說明其歸結之定理。譬猶電也。曰雷。復不明以天之鼓盪如何。電力之強弱如何。

視一定名。並不究其實義。一切心蔽。由是而生。以云進化。豈非與貧子說金。乞人較富。無當於事理乎。

第四節 樂生

陬陬衆生。自呱呱墮地。而至少壯老死。百年歲月。飲食以外。有宮室。有衣服。有作爲。有妻兒。有器用。人無論古今。地無論中西。種無論黃白。靡不含有其畢生之第一目的。即所謂求樂免苦之觀念是。其求樂也。所以樂其生。其免苦也。所以免苦其生。以免苦求樂之意志。發現於其行爲。而世界萬觀。所以由是而新異。人類萬族。所以由是而演進。故居海濱者。自爲漁業。失其漁業。則無以樂其生矣。居山林者。自爲狩獵。失其狩獵。則無以樂其生矣。居高原者。自爲畜牧。失其畜牧。則無以樂其生矣。居平野者。自爲農商。失其農商。則無以樂其生矣。居於開明時代者。日圖進取。失其進取。則無以樂其生矣。居於軍國時代者。日圖冒險。失其冒險。則以樂其生矣。各於其樂生之觀念。守其境地。以期優異。而人類進化。所以窮時也。（甲）人類能計量苦樂。（一）較苦樂之強弱。去其苦之強者。而暫存其弱者。取其樂之強者。而去其弱者。